

OMUKUETU

No: 20

ESIKU 15 lja OKTOBER

1989

■ X · X · X · X · X · X · X ■ X · X · X · X · X · X ■ X · X · X · X · X · X ■ X · X · X · X · X · X ■

Esa Kristus auike e ku hupise.

Efes. 2: 14.

Omamakelo agehe, nomanukilo ga Satana, nomajemato getu jene, ogo iijimati juujuuki nojuuhokue uetu jene. Kalunga nge ta pe satana eha oku ku hinda, oje ta landula mbika, ngašika Laban a landula Jakob omolu iimenka jegumbo lje. Ujuuuki uoje muene nokuihokua ku noku ku kušua po, ngele ngoje ue ku hala nenge aue, ošoka iimenka mbika joje taji kelele Kristus, kaa uape okuja momueño guoje, ihe Kristus manga ine ja mungoje u noku humbata oondjo zoje. Ihe omuntu manga a tamanekua koondjo omueño gue gua ku kuta; onkee euvito eziguzigu ljoondjo tali holola oluhepo lueinekelo lja šili e tali tinima ina taamba natango Kristus.

Una ua zambulula: ongoje ua jono, u kotoke šili: uaa tameke okulotiša oluhoži luoondjo ku šilue, aue, okombinzi ja Kristus ajike, ngele to ši jelekele nena ekambazalo ndjoka tali ku kukutike ouala omueño. Eša Kristus a kale ombili joje, Efes 2: 14, ha iilonga iuanaua ojoje no ha omahoži goje n. š. t. Omukulili oho uapa oku mü tiziša pungoje iilonga joje iuanaua no nga ši uukolokoši uoje uo. U ligamene Omukulili, ngu longe uuanaua koonkondo zoje azihe. Šikama omušika kuujuuki ua Kristus, u kotoke: ompazi joje jimue jaa kale kuujuuki uoje muene no jimue ajike kuujuki ua Kristus. Manga Kristus ina zika ošipundi še šesilohenda meiuvo ljoje otamu kala ouala oondjo, nuumbanda, nomalimbililo nomueño tagu tenguka pokati ketilo no ketegamo; okukala kuatjangaaka kaku ši kuopaevangeli nando.

Ongoka ta tila okutala uuinaji šili uoondjo, noheli nkene jatja e ji na momueño gue, oje ta limbililua natango iilonga ja Kristus. Ino tul' oondjo zi šike mpano na

ndo lumue; inekela Kristus u mü taambe je a kale omüpopili guoje, ongoje no to ka mona: oje tuu, Jesus Kristus, oje omušjuuki. Momalimbililo agehe geiuvo no momatilišo no miikungulu u ligamene aluhe Kristus. Ino luzika na satana nando. Oje te ši halelela tuu, ihe u mü lombuele a je ku Kristus, oje no te mü tompo. Ošilonga ša Kristus ošo oku tu popila, 1Joh. 2: 1. Oje Omüpopili guetu mpoka tatu ka pulua eguaņišo ljompango, Heber. 7: 22. Oje Omüjakuli guetu mokuguaņiša uujuuki, Gal. 3: 20; 1 Tim. 2: 5. Mošilonga šika še a tulua kegano, Heber. 7: 20, 21. Ano u pitikile Kristus e ku jakule miinima ajihe. Ngele to kambazala okuzima po oondjo zoje oto izimbike Kristus. Omüjuki, ngoka a li a ningilue oondjo omoluoje. 2 Kor 5: 2.

Satana ta uapa okutumbula nokugojo kiša oohapu zo moBibeli, ihe oku zi zimi na ke zi vulu. OBibeli ojo oohapu zuukua niilua ua Kristus na nzoka Kristus okua ši ndi omamakelo ga Satana, Matt. 4: 10. Mo Bibeli ajihe kamu na nando ošitja ošikuku tu komunandjo ohepele a hulua uujuki ue muene, aue, nando jimue. Ihe OBibeli taji ulukile šili, nkene omuntu kuatjangaka oje omütaambi guevangeli nesilohenda komeho gaajehe jalue. Inekela ano ehala lja Kristus, neinekelo ndika tali ku pe uo ehala ljokuhupišua. Ngele ua mono: ongoje ua űngua okuitaala u zambulukue: oku ku pa eitaalo okuo uo ošilonga ša Kristus. U mü pitike e ši ninge; Oje no te ku pe nehala niilonga, ohokue je ji guaņiše. Fil. 2: 13. Šila okuaaitalakuoje oluhoži. Okuo tuu nkuka taku nenepališa oondjo zoje meiuvo ljoje zi ka vule aniuva Kristus, nokuo taku šonopeke ošilonga ša Kristus no taku tala ombinzi ja Kristus ojo oñata jouala jo ka ši nošilonga.

Uuhanaguzi uinima.

Uuhanaguzi ouo uuinaji uunene. Ongoka ta hanagula po iinima nenge iimaliva je muene nenge jaantu e ji peua a kale najo nenge e ji pungule, a ningi omühanaguzi. Ngele ua teja e to jungula iilja joje nomahangu goje, to mono molupale mu niilja ojindji, ja ningi ondumba onene, ošoka ji li mumue; to kuša po mpoka ontungua jimue, nge mbali zu uza e to ki ilandela oongondo, nomatašu niinima jilue jouala, nena ua ningi omühanaguzi. Iilja joje ja pu po manga ino aza košipe no to hepa ihe. — Ongoje ua longo kUušimba. Ua kala ko oomuezi zimue ui ilongele iimaliva ojindji tuu kašona, šo ue ji tala. Ua hala ihe okušuna ko košilongo šaandjeni. Ihe manga ino šikama to ki ilandela iinima. To ji mo mostola ndjika, to zi mo mostola, ua piti mo. U ki ikongele iinima, ua vuulua ihe. Iimaliva joje ja ningi iišona ihe. Ui ilandele šike? Iinima jouala: oku nuulenga, oku niimona, oku nuuitalelo, oku nuuhumba, oku nuumbandi u' uulenga, niinima jilue ja fa mbika, iinima jouala, ito ji pumbua. Ongoje ua hanagulile iimaliva joje miinima jouala, ua ningi omühanaguzi.

Nenge mepja ljoje mu niilja; ua teja, ua jungula, ue ji pungulile miiganzi e to űanukua. To kuša ko nofuonofu, nofuonofu, to tutike oongaja e to hanga omalovu — to nu, to kumua sigo iilja ja pu po mbalambala ngoje ito zilazila ongoje omühanaguzi ue ji hanagula po ngoje muene.

Nenge to ningi omasiku agehe ohukulapakapo, to li ofundua aniuua manga u na ša, — ano ongoje omühanaguzi. Omühanaguzi kee nelaleko nuujamba, ošoka ta hanagula po iinima mbjoka e ji peua omaganano ku Kalunga. Omüua Jesus okua lombuele aalongua je, šo a li a kutiša aantu omajuvi gatano, e ta ti: „Tooleni uupambu mbuka ua hupu ko, uaa hepe.” (Joh 6: 12).

Ano Jesus e tu longo ngeji: ehalo lja Kalunga oljo ndjoka, tuua hanagule po omaganano ge, ihe tu ga ziginine, tu ga pungule, gaa hepe, tse tu kale tu ga na ngele esiku ljoluhepo tali tu aza.

A. Josef Efraim.

OŠILONGA ŠETUMO KAAPAGANI

Omülongi ngoka e li kOmbandja Martin Hepeni, šo kua tseja kutja ota ji k'Ombandja a ka kambazale mošilonga š'Omüua. Manga ina šikama okuja ko okua zilazila ngeji: Keha ndjoka ta ji ko, nenge

kOmbandja a aze ko, nenge a šike ko eti 9 lja juli, opo Kalunga nge te ja jambeke, šo taa zimbulukua esiku ndjoka ljetumo ljauro, je ši ninge pamue naandongo, ošoka aandongo omo haa ningi Omissioni jauo. Ano omülongi M. Hepeni okua hala ngaa ka ekuatašano ljesiku ndjoka.

Ešimbo šo lja šiki, omülongi M. H. okua ji ko pamue nomükulukazi gue Selma naanona jauo jaali. Oja ji ko omülongi mvo 1933, mu juli. Ano komükunda noko ka ja ji ko oja šiki ko tuu naanaa esiku ndjoka, je li uvanene nale. — Ošilonga šauro m'Ombandja oša kala ošizigu, ihe Kalunga ine ja eša. Nando ja kala nuuzigu, aluhe šaa tuu taa šiki mesiku ndjoka 9 lja juli, oja ningi okamissioni kauo. Okamissioni kauo oka li kokuhambelega Kalunga šo kua je endiša sigo okesiku ndjoka, no ja indile nokugalikana, Omüua guetumo A sindiše ošilonga še. — Nuumvo ja tsakaniša omimvo 6 m Ombandja, šo ja ningi okamissioni kauo; ano 9 lja juli 1939 je ka ningi.

Okamissioni kauo manga ka li popepi oja zilazila ja hije no ja gongele aapagani mesiku ndjoka, je ju uvišile oohapu za Kalunga, peha mpoka haa ningile oskola. Ihe esiku ljokamissioni šo lja aza, osondaha, aapagani oja li uo je nošituši šauro šo ndjokana (omafija). Onke omülongi a űe ngua oku ja išana nkoka kua zilazila, ošoka oja itaa uapa oku ka pulakana oohapu za Kalunga, manga ju uvite nkoka ku nošama, ošišima, omalovu nuuanaua uauo auhe. Ihe nando kua űengua, okua kongo ezilazilo lilue, okua ji komuene guondjokana no ju uvašana okamissioni ka ka ningilue kegumbo lje, no ju uvašana, aantu jaa peue omalovu manga inaa uvišilua. Ošo ja kundašana metihamano ndjoka lja tekela Osondaha ndjoka jomisioni. Ongula šo kua ši omülongi okua ningi oandaha manga kegumbo lje pamue noojakuauo. Šo ja ningi egalikanosondaha, omülongi okua ji ko ihe pamue noojakuauo: Selma, Natalia nokamati kauo Immanuel. Šo ja šiki ko, omülongi okua ji megumbo komuene gualjo, a lombuele aantu ja gongale, oojakuauo kua ja šigi momükuju, mepja.

Aantu oja gongala nduno momükuju ngoka. Mboka ja gongala oje vule omilongo ne (40). Omülongi okua uviša oohapu nzika: Mark. 16: 15 — 16, nokue ja tsejšile omuene nomütumi guoohapu nzoka. Kua hokolola, otse aatumua Je itatu mu uvišile oohapu zetü jene, nenge za totua kaahongi aatiligane, aue, oza Jesus Kristus Omükulili guujuni. Onke ano ngoka te zi itaale oje okui itaala omuene guazo no

ta hupisua, na ngoka e zi zina, okua zini Omukulili guujuni no ta kana.

Oskola oja tameke 5/6 1939. Nale omulngi šo kua kambazala okulonga, aana nona jaapagani inaa holoka nando, omumvo gumue jamue ja holoka tuu, ihe inaa zigizina omasiku agehe, esiku limuelimue alike. Ihe nuumvo oskola manga inaji tameka omulongi kua kambazala uo oku ja isana noku ja tsejisila esiku taji tameke. Esiku ljetameko inapu holoka nando omulongua omupe, ojo mboka aakulu ajeke ja hamaano. Ihe ošivike ošiti jaali aanona apagani ja holoka uo, no šaa esiku opua holoka aanona aape, sigo iivike ihejaali. Omulongi okua ti: Mboka ja hala okuziginina kehe esiku, naa inoliše omazina gauo. Aamati-gona 9 ji inoliša, aakazona ja tatu nuumati uutatu inaa nolua, oja ti: „opo tatu tala manga.” Ihe koskola oja holoka tuu. Ano aanaskola mboka ja nolua oje li 15 mboka inaa nolua 5 kumue 20. Taa longua ootunti 4, omahokololo getestamenti epe, okuleša, okuñola, okujalula nokuimba — Omupangeli omutiligane guom'Ombandja kue ši pitike uo, „aantu ajehe naa longue, šaa taa longua ouala elaka uo ljaaputu.”

Aanona ja nañukilua oskola jauo, ihe pua holoka ošiponga ošinene ša jono eñanu ndjoka, ošo okueñe. Ošoka omeja gomvula ga puine naantu ja ji mokuhupa. Aanona ja nengua okuholoka koskola, nomulongi kue eša manga oskola, a konge omeja. Ano oja longo ouala iivike 8.

Kalunga ne ja kuase mokukonga omeja, opo ja uape oku tsikila oskola jauo.

M. Hepeni.

INO LITEEKA.

Omuñu ota denge ombua lumue, ndele ombua oja muena ngaho. Efiku limue ote i denge vali. Luvali na lutatu, ndele ombua natango oja muena ngaho pomuñu. Tala hano ombua ngeno i dje pomuñu, ndele itaji i moihua ngasi oifitukuti ikua o i li mo. Ou si oja pumbua esi tai li? osike itai di po hano? oi si si nokutja omuñu oje kaume kajo, oje omupaluli uajo, oñe itai di po. Ombua ihai liteeka omuene uajo nande. Ndelene, omuñu ove osike to liteeka Kalunga na Jesus Omukulili uoje? Ngenge to efa Kalunga oto hepa komuenjo nokolutu jo. Ngenge ua hala u kale omunelao meulu nokombada jedu, kala pu Kalunga, osesi eembua hadi li oundjaumukile ava tava u koililo jovene vado.

Paulus Kamati

OMUKUETU!

Ame onda mona manga nda li okano na omuñu a njona, nde ta dengua. Ndele esi a dengua okua ti kuvakuao: „inamu ši tonga ku tate, ohai fi ohoni.” Komeso natango osa ka holoka. Ndele aje, a hepekua kube no kujina novakuao, nde tave mu te mo meumbo, nde ta ji noilongo. Osesi ua tila oku tu fiohoni, fie onjoko noho: Ngenge no ue si popile nale, ngeno tua ongala, nde hatu tuafana omukumo. Ndelene no paife omo tu li fie ovakriste omuñu ngenge a njona kosipala sa Kalunga, opo ne osililo nge sa popiua esi tava ji keihokololo okua fiohoni koipala jovahongi: Ne hano nge toji keihokololo, diladila adise oso ua ninga. Tala Mat. 10. 33.

Eno paife ohoni omujakuli uomutondi. Omutondi nge te uja, ito dulu oku mu hanjena osesi ue mu fia nale ohoni. Ngenge a mana oku ku pukifa, esi a ja opo to lili. Eno vakuetu nje, tu kaleni tu si si ohoni ojo efio ialuse. Oñe hano ngenge u na omusinda uoje ina tumbula okafo komukuetu, mu lesela ohoni ojo. Ndele ino fia ohoni nge to ji keihokololo. Kala u si si uja ekelasi omuenjo, nefio u li na. Lesa mehokololo la Nakambale: Eiteko lomumu okatendo 2. Adam esi a ifanua ku Kalunga u li peni? ngene a njamukula. Ano ino fia ohoni oto teua po kosipala sOmuene.

Immanuel Petrus

Ongue ja lja aantu jaali kUukolonkazi.

Aantu ja ji kuukongo no ja aza oñe ngue taji li ombambi. Oombua no ze ji kondjiša, omusamane okue ji jaha eoloango. Oojakuauo oja ti: „Tu jeni manga uuzigo tau kondjo najo.” Omusamane okua tindi okušuna nokua ka kondjiša oñe ngue. Ongue oje mu nukile no je mu kuata.

Ano šo je mu kuata oojakuauo oja londo pombanda, ihe ongue ja landula ko omumati uo, no je mu li. Noombua ze ja no ze ji kuata, ojo no ja si, naakongi je ji juju no ja ji mosilongo.

Esiku ekuauo omusamane a si, nomuñu hona guokUukuañama okue eta omumati kOnandjokue, a pangue.

Ongue satana ta holama miinima juujuni mbuka. Tu kotokeni, tuaa like kujo.

OTSE AANANDJOKUE OTATU PULA. II

AAKULUKAZI TAA PULUA.

Nena otu na ošinima ošizigu šokupula ku ne aakulukazi.

Otatu pula unake tamu tameke okulela uuhanona ueni noondunge? Unake tamu eša oku u zipaga?

Tamu ti: „Iihuna — otatu pulua šili iihuna! Oh! Katu hōole nani oluvalo luetu? mememememem!

Aakulukazi neel Eeno, otua hala šili okukundašana na ne ošinima šika. Itatu uapa okumuena ue, ošoka oluindjilindji tue ehamekua meni moomueño zetu, nge tua mono uunona tau etua mošipangelo ou li popepi nokusa. Ha uunene molu uuvu, aue — molu ošike ano?

Lešeni nau!

Aakuluntu, naagundjuka uo ja longua kaakuluntu OTAA ZIPAGA UUNONA UAUO NOKU U HUPILIŠA UUZIGO. Okanona nge taka aalukua kašona taka lili, jina ota ji mepja nenge miihua nota kongo iuuanga jiili na jiili ji nuuzigo. Ota longekiza ošihupilišo nota hupile okanona ke muene. Jamue otaa kongo oondungo no taa hupile uunona uauo nazo. Taje ši ningi nomūtili guombiga. Iinima mbi ajihe: iuuanga, noondungo, nomakaja ojo uuzigo uuzigu otatu zipaga okanona.

„Ngiika tamu ti! „Ejoo — inatu ši tseja! Ihe otamu fundju, ošoka nale nokuli aantu oja kumagizua ku Kuku Rainio. „Kuku ati: „Inamu hupila uunona.“ No muujuni uetu aluhe otatu kumagiza miipangelo jetu: „Inamu hupila uunona ueni!“ Aantu ja nongekua ešimbo ele nokuli. Ajehe je ši tseja, ihe inaa hala okuiš taala.

Omukulukazi nge ta mono okanona ka hupilua, taka tameke okuaalukililua, ota haluka no ta matuka nako k'Onandjokue. Tu luete omeho gokanona ga tsima, ela tali šetua noonkondo, nendjandjamūndingo lja jonuka naji, n. š. t. Otatu ši zimbulula mbala okanona ka hupilua nuuzigo. Otatu pula: „Oua hupila okanona?“ Jamue otaa zimine:, eeno, onda hupila.“ Jamue taa patana, oja sehoni, ošoka ju uuva nale okuhupila ngeji ošinima ošinaji.

Aluhe otatu jemata no tatu ganda no tatu kumagiza aakulukazi. Otatu jelekele okukuaša okanona take ehama šili. No meni moomueño zetu otatu galikana: Kalunga ngoje omūnankondo, u luete okanona nkaka, ka kuaša.

Ano. Omukulukazi ngoje u nokanona ngoje u ka hoole:

INO HUPILA OKANONA OKAŠUŠUKA NANDO NANDO ESIKU LIMUE manga inaka tameka okukuutumba! Omandjandja gako inaga kola.

INO HUPILIŠA OKANONA OKAŠNENE IIUANGA, NOONDUNGO NENGE ŠIKE ŠIKE NANDO ESIKU LIMUE! Otaka uapa okuhupilua nomeja ga jela ageke, ngele itaka ji kondje. Ši ninga nošihupilišo ša jela.

Mu uviteko tuu, aakulukazi aahoolikel
L. L.

OMŪLOLA GUONDJAMBA.

Esiku limue ongula ngula manga etango inali pita, otu uvu onkugo taji kugu, otu pulašana, onkugo oja šike ošilongo ša ogelela ngeji? Naakiintu tua tondoka uo tu ka tale šoka ši li ko. Otua mono ihe enima enene li li mokazija, naantu je li kunduka koombinga noombinga taa kuzile. Nani enima ondjamba. Oja zi mo ihe mokazija naantu ajehe je ji landula. Uunona uumati tau ji zenge niitago. Otua uhala ihe tua kelela ondjamba jetu jaa je mokuti. Otua ningi ihe elago, ošoka omūhona Shongola okua azika kUušimba ua Kaoko nopua tumua ihe omūntu a ka kale mošitauua e ja tsejišile. Okue ja ihe komatango pamue naahona oojakuauo noje ji zipaga. Nani ondjamba oja jahua nale. Ongula kua ši tatu pola nduno ondjamba jetu.

Katikili Iitenge
Uukolonkazi.

OONKUNDANA ZOKIILONGO.

Naarusse ja matukile ošilongo ša Pole, no je li po taje ši tendelašana ojo naaduši. Ihe, epangelo alihe li li miikaha ja Kalunga. Oje te eta etokolo lía šili.

Ku Suomi kua zi iinima iuanauaelela. Kua zi omizalo omiuanaua **zošifo ša**

Krismesa.

Taši oopala šili!! Noohapu za zi ko uo. Ozo tazi naangizilua meni ljašo. Zilazile ni nau, nkene tamu mono ošifo šoka.